



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 232. Quid liceat Clericis circa venationem.

urn:nbn:de:hbz:466:1-42600

mutuatam pecuniam restituat, & ex lucro solvat debitum.

Q. 232. Quid liceat Clericis circa venationem. R. 1375

§. I. Clericis prohibita est venatio, Cap. 1. & 2. de Cler. venat., Cap. *Quorundam*, dist. 34., Cap. *Qui venatoribus* & seqq., dist. 86., *Trid.* Sess. 24. c. 12. de Ref., ac multò magis Religiosis, juxta Cap. 1. §. *Porrò*, de statu Monach. in Clementi: Intelligitur autem venatio, quæ ab ipsis cum magno clamore & scandalo exercetur, ita ut Episcopi, si frequentes sint in ejusmodi venationibus clamorosis, suspendi jubeantur à communione tribus mensibus, Presbyteri duobus, Diaconi ab omni Officio, sed prohibitiones illæ nunc ita mitigatæ sunt, ut si recreationis causâ fiat, sine magno clamore, scandalo vel contemptu, non facillè peccetur mortaliter, *Nav. Mol. Tur. Lugo*, *Ills.* T. 4. d. 2. n. 246. Addunt *Suar. Sa, Castrop.* T. 16. d. 4. p. 13. §. 5. etiam à veniali excusari, si venatio sit rara, moderata & ad reficiendas vires. Putant etiam *Lugo, Dian.* p. 3 T. 6. R. 19. *Dicast.* de Just. l. 2. T. 2. d. 9. n. 290. quietam venationem cum retibus, laqueis paucisque canibus non esse prohibitam Ecclesiasticis.

§. II. *Dicast.* n. 300. putat venationem etiam cum apparatu & clamorosa non prohiberi Clericis, nisi fiat frequenter, & addit cum *Caj. Nav. Silv. Bann. Mol. Turr. Dian.* supra & p. 9. T. 9. R. 40., ac iterum p. 10. t. 13. R. 29., licet fiat frequenter, non audere se damnare mortalis, si ex recreatione fiat: & si mortale sit, cum *Rebell. & Less.* id esse ratione scandali. 1376

§. III. Possunt Clerici & Religiosi recreationis causâ interesse venationi etiam clamorosa, dummodo ab ipsis non exercentur, quia non prohibetur aspectus, *Lugo de Just. d. 6. n. 51.* An 1377

An Judex vel Dominus sæcularis possit Clericum injustè venantem spoliare armis, avibus, canibus, videri potest *Diana* p. 1. t. 2. R. 10. & p. 3. t. 1. R. 28.

1378

Q. 233. Quid notandum sit de ludo respectu Clericorum. R. Clericis prohibetur lusus alearum, Cap. penult., de vita & honest. Cleric. aliisque locis apud *Castrop.* t. 16. d. 4. p. 13. §. 5. : Nomine autem alearum intelliguntur omnes lusus fortunæ potius quàm industriæ : Et prohibetur consuetudo ludendi, non autem ludere unâ aut alterâ vice, *Salas, Mol. Rebel. Az. Castrop.* ; Imò consuetudinem ludendi, si non fiat ob lucrum sed recreationis causâ, excusant à mortali *Sa & Valent.*, quamvis contrarium teneant *Salas & Castrop.* supra : Putatque *Salas* prohibitionem horum lusuum non extendi ad Religiosos laicos, quia textus tantùm habet de Clericis, sed communis opinio cum *Nav. Suar. Valent. Castrop.* & aliis tenet oppositum.

1379

Q. 234. An Clerico licitum sit interesse executioni pœnæ mortis. R. Licitum est cum justa causa, v. g. si educat reum : è contrâ si sine justa causa adsit Sacerdos vel Religiosus, multi innuunt esse peccatum, attamen non esse mortale docent *Suar. Avila* aliique cum *Dicasst.* de irregul. d. 7. n. 653. ; imò si absit scandalum & otiosa curiositas, *Vgol. & Mol.* de just. T. 4. tr. 3. d. 8. n. 13. dicunt nequidem esse veniale, quia consuetudo nunc præscripsit contra Decretum, quod olim obligabat Monachos & Clericos, quando clausura & observantia eorum erat major. Quòd si adesset tanquam habens jurisdictionem temporalem, v. g. Judicis, Custodis &c., fieret irregularis, *Regin.* l. 30. t. 2. n. 134. Plura de ludis & spectaculis diximus l. 3. p. 2. à n. 1086.

Qui alia volet circa mores & conversationem Sacerdo-